

D E
VRBANA FEBRES
C V R A N D I
R A T I O N E
COMMENTARIVS
APOLOGETICVS.

Auctore

MARSILIO CAGNATO



ROMAE, Apud Aloysium Zannettum. MDCL.
SUPERIORVM PERMISSV.

D E

VRBANA PERIODE

C. V. A. N. D. I.

R. A. T. I. O. N. E.

COMPTANTIA

AT O. M. N. I. B. U. S.

LIBRIS

LIBRARIIS



LIBRARY OF THE
UNIVERSITY OF CHICAGO

P E T R O
A L D O B R A N D I N O

CARDINALI AMPLISS.

CLEMENTIS VIII.

PONT. MAX.

NEPOTI

MARSILIUS CAGNATVS. S.D.



VM ad splendidissima tua munera ,
Princeps Amplissime, Camerarij decus
augustum accesserit; ideoq; Urbanarum
præsertim rerum , & (quæ non est om-
nium postrema) publicæ salubritatis perpetua cura fu-
tura sit tua ; propterea libellus hic, in quo de Urbana
febris medendi ratione differitur, vt in tuo nomine
appareret, maxime consentaneum visum est. qua er-
go soles humanitate studiosorum conatus amplecti ,
nouum clientis tui laborem excipere, ne recules, oro,
atque obsecro. Quod tibi, pro fausto & felici ex splen-
didissima , & amplissima legatione reditu , meæ sit
debitæ gratulationis argumentum . Vale.

Reuerendiss. Pater,

Commentarium apologeticum Marfilij medici doctiss. iussu Reuer. Paternitatis tuæ (cui mea semper parendi mens) sedulo, & summa cum voluptate perlegenti, nil mihi in eo obiectum est, quod ad rem medicam non pertineat, quodque tantò & Christianè legi nequeat, tamquam ex veræ Christiana mente depromptum, & id quidem diserte adeo luculenter, & appositè explicatum, vt omni ambigendi occasione abiecta, prælo committi posse, merito suo iure, dignissimum censeatur, vsui & pergratum futurum si per ora hominum increbrescat.

Reu. Pat. tuæ humillimus seruus,

Io. Baptista Comparotus.

Imprimatur, si videbitur R. P. M. Sacri Palatij
B. Gyplius pro Vicefg.

Imprimatur
Fr. Angelus Baronius Venetus Mag. & Socius R. P. M. Sacri Palatij Ord. Præd.

D E
VRBANA FEBRES
CVRANDI RATIONE
COMMENTARIVS APOLOGETICVS.

Marfilio Cagnato medico auctore.



EMPER aliquid *Vrbs* Roma
parit, quod excitat admiratio-
nem, & præ nouitate, tam ad-
uenarum, quam ciuium animos
commouet, ingeniaque sollicitat.
Quo ex genere vox quoq. est, quam,
& e summo quidem loco missam, nuper audiui-
mus, *Urbanos* errare medicos, quia, in febribus præsertim
tertianis, medicamentum iubent purgans potari vo-
catum lenitiuum, siue minoratiuum, & quia hoc an-
te venæ sectionem efficiunt, & inde longum nimis
spatium, ac tempus terunt iura exhibendo, quæ vo-
cant alterata, neglecta interim humoris vitiosi va-
cuatione: & quia, postremo, vino agrotis interdicunt;
Quæ vox populum fere vniuersum, ac viros præ-
sertim principes, & purpuratorum Senatuum commo-
uit quidem primum, & suspitione perculit non leui
A (quippe

(quippe de communi salute agebatur) sed (ut sepe in Vrbe in fumum abire contingit lucem) eadem non multo post timeri minus cepit; ac iam sua imbecillitate. obsoleuisset penitus, & oblitterata esset, nisi nuper litterarum commendatione visa esset vires aliquas resumere, ac veluti respirare, ac reuiuiscere. Quod, quia non presentibus solum, sed posteris quoque prodesse, aut obesse potest, propterea, ut antea satis videbatur obuiam itum reprehensionibus, voce voci reddita, ita nunc res postulare visa, ut litteris aduersus litteras certamen suscipiatur: ut, quid populo salutare sit, cognosci, & statui ab ijs possit, qui in curanda hominum valetudine studium, atq; operam ponunt. Quod munus egregie praestitisse videri poterant Ioannes Cecchius, & Iosephus a Luna, praeclari, ac nobiles medici, qui, scriptis iam editis, hoc argumentum prosecuti sunt; sed quia neuter mandatas litteris reprehensiones expendit, quod illis scribentibus edita nondum essent, propterea operam non, fortasse, lusero, si illas ego ad disquisitionem reuocauero. Quem suscepi laborem non meo, ac proprio ingenio adductus, aut inuitatus otio (quod qui me norunt testabuntur) nihil enim à me tam alienum est, quàm otium, & contentio- nis studium; sed multis hoc à me exspectantibus, qui sibi persuaferint, posse me, cum ob etatem, & diuturnam in Vrbe commorationem, de ratione curandi ab optimis medicis seruata, testimonium dare: tum publici muneris ratione, nostram medendi methodum cum illa,

illa, quæ à vetustis auctoribus, magnis viris, tradita est, conferre, & veteres de recta medendi ratione sententias mediocriter interpretari. Sed fortasse res tam longa præfatione, & excusatione non indiget. propterea rem confestim aggredior.

Cum autem prima sit quaestio de purgatione, quæ vocatur minoratiua, & ante venesectionem damnatur: primum loco primo excitatam de nomine quaestionem examinabo, deinde de huius generis medicamento vsu, & opportunitate disputabo. Ergo aiunt minoratiuum, aut lenitiuum vocari medicamentum illud non debere, quod ante missionem sanguinis exhibetur: etenim minoratio (ita enim loquuntur) ex Galeni, & Hippocratis præceptis 2. aph. 29. & lib. de optima secta ad Thrasylbulum cap. 29. 40. & 41. morbi causam respicere debet, & ob id humorem peccantem: hoc autem ipsi non intendunt (hoc de Urbis medicis dicitur) cum nonnisi præcedente concoctione illam moliendam esse censent. hæcque prima est reprehensio, cuius summa est, minoratiuum dici non posse, quia nolunt eo noxium humorem minuere, quoniam minime concoctus est. huic vero altera subiungitur, quæ vsu & vires eiusdem medicamento respicit; eo nempe humorem noxium minui non posse, quia primas mesenterij venas vis eius non pertransit, ideo humores intra venas, vel in ipso hepate peccanteis educere non potest, præsertim biliosos: Sed & probatur speciatim non esse dicendum lenitiuum, cum experi-

mento constet, sæpius stante corporis dispositione humores æruginosos illo medicamento fuisse eductos. & hæc de nemine.

Non fuit
contēden-
dum cum
solis Urbis
medicis.

Hic autem primum licet mirari, hanc concitatam cum medicis Urbanis litem, tanquam ij soli hanc, quæ damnatur, medendi rationem sequantur, vel ea ab Urbis schola peculiariter manauerit. Si quidem constat, in schola Patauina, Bononiense, Fapiense, Pisana, & cæteris Italie scholis, immo & in omnibus Europæ gymnasijs tandem doceri, & à medicis, qui ubique sunt, usurpari, ut ex ijs, quæ mox dicenda sunt, intelligetur. Sed illud quoque mirum est, quibusdam verbis dissimulari vocem illam, minoratiuum, nempe his. Nescio sub quo nomine, aliqui enim ipsum minoratiuum appellant, aliqui lenitiuum. Ego vero plane ignoro, quo bono consilio res vulgatissima dissimuletur. Medicamenta vocata minoratiua recipiunt Germani, consule Andernacum in secundi commentarij dialogo septimo. recipiunt Galli, consule Fernelium l. b. mech. med. 3. c. 9. qui Conciliatorem imitatus, diff. 126. tibi distinguit medicamenta purgantia in valida, mediocria, & mitiora, ut intelligas postrema hæc esse, quæ ab alijs vocantur minoratiua. Sed, ne dubia sit Gallorum sententia medicorum, Rondeletius in sua methodo promiscuo usu horum vocabulorum, lenientia, minuentia, minuerene materiam, hoc ipsum indicauit, quod dissimulatur, ac tandem aliquando Rondeletius usurpauit ipsam vocem minoratiuum

Minorati-
ua medica-
mēta pas-
sim rece-
pta.

uum

num, ut in synochi curatione licet videre. Hollerius
leuia appellat id genus medicamenta, latinitatis (ve
puto) studio, sed in suis ad Hollerium notis Duretus
minoratiua vocare veritus non est. recipiunt eadem &
Hispani, quandoquidem Vallesius ad lib. 2. acut. 9.
& 10. medicamenta in ea distinxit, quæ proprie ex-
purgant, & ea, quæ vocant lenientia, cuius distin-
ctionis fecit quoque mentionem ad prima sect. aph. 22.
sed longe vberius Ludouicus Mercatus lib. 1. de Indica-
tione medica differit de minoratiua purgatione. Quid
vero de Italici dicam? sed fortasse nostri seculi aucto-
res probabuntur minus: itaque satis esto, Vetustiores
memorasse quosdam.

Notarunt Thadeus Florentinus, Iacobus Forli-
uiensis, & Vgo Senensis in eorum questionibus ad pri-
me aph. 22. & secunda aph. 29. Purgationem aliam
esse minoratiuam, aliam eradicatiuam, nec dubium,
quin ea sit minoratiua, quam Auicenna lib. 4. Fen. 1.
tract. 2. c. 7. appellauit lenificationem, ut mirum non
sit, lenitiui quoque, aut lenientis. medicamenti nomen
promiscue pro minoratiuo receptum. Sed & Galenus
origini alludit huius vocis minoratiuum ad aph. 2.
sect. 29. inquiens, quo citius coctiones fiant, melius
esse per initia vacuare, ut minorem redditam eo modo
materiam (ἐλαττωμένην ὑπομάνν) facilius
possit natura concoquere. Ergo, quia minor materia red-
ditur, dictum est minoratiuum: quapropter vox ea
nulla ratione dissimulari debuisse: de vocabulo leni-

Lenifica-
tio apud
Auicennā.

tiuum

Minorati-
uo quæ ma-
teria edu-
catur.

tiuum inferius differetur. Sed obijcitur, non posse vo-
cari minoratiuum, quod humorem noxium non educit,
& Urbis medicos nolle hoc tentare, quia initio non est
concoctus humor, qui non est, nisi concoctus sit, eua-
cuandus. Sanè Galenus ad 2. aph. 29. (cuius verba
modo retuli) indicauit, initio vacuatione minorem ma-
teriam eandem reddi, quæ concoquenda est, Itaque
nonnulli, vt Senensis, ad primam aph. 22. describere, mi-
noratiuam euacuatricem illam esse, quæ partem ma-
teriæ morbi educit, non autem totam, vel tantam, vt
propterea morbus remoueatur, quam descriptionem
laudarunt aliqui ex posterioribus. Verum enim vero
etsi ea potest descriptio sumi ex dicto Galeni loco, non ta-
men inde efficitur, minoratiuam dici non debere nisi
materie concoquendæ portio educatur: etenim cum Ga-
lenus dicat, vtile esse materiam concoquendam minue-
re (vnde accipiunt minoratiuam vacuationem mate-
riæ noxiæ partem aliquam auferre) non propterea ne-
gat, vtile esse minuere materiam non concoquendam:
si qua sit, quæ alias copia ledat, etsi morbum ipsa, for-
tasse, non efficiat; Vnde accipi possit, vacuationem non esse
minoratiuam, si materia non concoquendæ portio adi-
matur, vt gratia exempli, Si in tertiana, bilem con-
coquendam initio minuere, salutare est, non idcirco
inutile est, sanguinem non concoquendum, qui copia
sit grauis, minuere, quam proprie minutionem aliqui
præsertim Arabes vocant. Itaque Thadæus Florenti-
nus ad 2. aph. 29. dixit, Vacuatione minoratiua ple-
thoriam

thoriam auferre (quamuis minus proprie dixerit plethoriam) quo significauit, ea, quam vocat minoratiuam, vacuationem, non auferre humorem, qui morbum facit, sed quemcumque, qui, quacumque de causa potest agro molestus esse, cui Galenus allusit lib. meth. ij. c. 15. cum ait, in omni febre putrida salutare esse venae sectionem, vt facilius, si quid concoquendum est, concoquatur. illic enim humor minuitur non concoquendus, sanguis scilicet, non vt qui morbum fecerit, sed, vt qui copia molestus sit, & noxij humoris, à quo morbus nascitur, concoctionem, siue maturationem impediat. quo ex loco Auicenna 4. p. c. 20. haec scripsit. Multoties praeterea in febribus phlebotomia, licet necessaria non sit, efficit vt natura fortis fiat super materiam; atque ideo damnandi non sunt, qui vacuationem initio factam, vocant minoratiuam, licet morbi causa proprie non minuatur, sed illa tantum excrementa educantur, quae sunt agro corpori vt cumq; molesta. Sed & ratio altera est penitus falsa, eo medicamenti genere humorem noxium non posse minui: nam si febris tertiana, exempli gratia, oritur a bile flaua, quotidiana à pituita, quid prohibet, quominus mel rosaceum soluens vocatum, electarium catholicum, & quacumque huiusmodi noxios humores in ventriculo, & intestinis, vel etiam (quod in reprehensionibus conceditur) in venis mesenterij contentos educat? immo & ex remotioribus locis, si maiore mensura offerantur; vti contra, quae medicamenta creduntur peculiare

res humores violentius educere, ut scamonea, si parcius fumantur, vix commune intestinis contentum cibi excrementum duxerint, quamvis enim medicamenta differant inter se genere, & facultate, multum est tamen positum in mensura: Itaq. Hipp. 4. acut. 64. inquit, si murmurante ventre, excrementa quoque fuerint biliosa, scammonio modice purgato, *ἡπιόταρα μάλιστα* sed & minus quam modice hoc posse fieri credimus experimentis: sed dicto medicamento genere, idonea oblato mensura, tum biliosa, tum pituitosa educi. itaque & materiam noxiam euacuari, experimentis item compertum est, & ab auctoribus probatum: exempli gratia audi Mesuen, Casia fistula clementer & innoxie bilem & pituitam purgat leniendo, Tamarindi bilem purgant. Manna bilem clementer purgat. Epithymum atram bilem, Thymus pituitam crassam: ergo id genus medicamenti noxios humores educit, nec potest hoc impediri, licet hoc ipsum medicus nolit, nam additum est in reprehensionibus (nolle medicos humorem crudam euacuare) namque si potest sirupus rosaceus bilem siue crudam siue coctam ducere, ducet vel inuito, si ager sumpserit, medico: Itaq. negari nequit, noxios humores ab hoc genere medicamenti educi. quod etiam confirmatur eo, quod in eisdem reprehensionibus subiungitur, his medicamentis saepe humores æruginosos educi, & ideo lenitiua dici non debere; sed æruginosi humores biliosi sunt, & molesti, & ideo vacuandi, cumque vacuentur eodem medicamen-

dicamenti genere, certe constat materiam noxiam, eodem genere vacuari, & minui posse: Sed & præterea in hac reprehensione male acceptum est lenitiui vocabulum; non enim ideo vocatur lenitiuum, quia noxios humores non educit, sed quia blande ac leniter, & citra violentiam. (si cum altero genere comparatur) hoc præstat: Itaque Mesues dicebat in primi libri theoremate primo, pruna, myxa, casiam fistulam, & similia leniendo expurgare: quamquam lenientis, siue lenitiui vocabulum vulgo pro eodem accipitur, quod minoratiuum appellatur: atque licet Mes. leniens accipiat pro genere quodam medicamenti, quod secerntur ab alijs generibus, quæ purgare dicuntur, alia soluendo, alia comprimendo, alia lubricando, tamen quia lenientia dicta sunt, quoniam leniter purgant, blandeque & sine labore, receptum est, vt, translata voce, omne genus, quod minoratiuum quoque dicitur, lenitiuum appelletur, quod consilium medici videtur esse blande, leniterque purgare, etsi non leniendo vt casia, sed purget comprimendo vt myrobalani, vel lubricando, vt psyllium; promiscue igitur minoratiua & lenitiua vocantur: Itaque & Auicenna genus hoc purgationis (vt ante dixi) lenificationem appellauit. Quod vero in eadem reprehensionis parte de humorum cruditate & concoctione dictum est, illud posterius expendendum est. Atque his factum satis videri potest questioni, quæ erat de nomine excitata, & demonstratum, iure merito mendicamenta quadam vocari

Lenitiui
cur dicti.

minoratiua, posseque humores noxios ab eisdem educi. Omitto interim, quod alibi exposui, medicamenta omnia, quantum ars medica requirit, minuenda tantummodo esse, nullum, quod radicitus humores noxios educat. Iam de eiusdem medicamenti opportunitate differendum est. Cum ergo medici accusantur, quod in febribus praesertim tertianis ante uena sectionem medicamentis utuntur, dubitari primum potest, Vtrum initijs morborum purgatio salutaris sit, de qua re non videtur disserendum, quoniam in reprehensionibus omnino laudatur purgatio initio facta, quae sententia Hippocratis est loco vulgatissimo 2. aph. 29. Itaque dubitatur insuper, verum ea debeat purgatio uenae sectionem precedere, & de hoc in praesentia sumus disputaturi.

Vtrum ante
venae se-
ctionem pur-
gatio sit
opportuna

Duo vero sunt rerum capita seorsim consideranda, nam primo de toto febrium genere ea dicuntur, Veritas artis, ac methodi ratio postulat, ut ab vniuersalibus ad minus vniuersalia sit procedendum. Cum ergo utraque multitudo in febribus putredinis causa est, & omnium humorum, quae plethoria appellatur, & vnius, quae cacochymia, propter dictam regulam, in euacuationibus hic ordo seruari debet, ut prius plethoria, quam cacochymia euacuetur, illa autem per sanguinis missionem fit, Cum vero haec ita prodita sint, hoc loco prima posset facti quaestio moueri, expendendumque, vere ne dictum sit, plerisque medicos, qui praesertim in Vrbe medicinam faciunt, eam serua-

re rationem, quæ damnatur; ac quid ego facere consueverim, alijs dicendum relinquo, quid plerique alijs præsent, non ausim affirmare; quamuis, nec sim iuuenis, nec ociosus, & sæpe socios medendo habuerim, qui de me, ut de illis ego, testimonium dare possunt. Sed non suscepi rem hanc testibus agendam, perpendimus rationes. Itaque cum alia sit ratio febriunt intermittentium, & alia continuarum, ac præsertim quæ acutorum genere continentur; ausim profiteri, multos quidem aberrare, cum in acutis morbis initio, siue ante, siue post venæ sectionem, medicamenta præbent, etsi lenientia, ad purgandum: hoc enim alienum est maxime à veterum auctororum documentis: nam cum Hippocr. 2. Aph. 29. vniuersæ dixerit, initio morbi, si videatur, mouendum esse, quod pertinet promiscue, (Galeno interprete) ad venæ sectionem & purgationem; ab eo præcepto non exemit quidem morbos acutos, namque in ijs quoque initio purgandum est; immo in valde acutis, si turget, eadem die, nec differendum statuit, 4. aph. sed rarum purgationis usum debere esse in acutis admonuit. 1. aph. 24. quoniam huius generis morbi remedium est peculiare sanguinis missio 4. Acut. 19. in quam sententiam Galenus disertissime loquutus est ad 2. acut. ij. inquit, Vbi igitur non solum acutus morbus fuerit, & cuiusmodi est pleuritis, verum & cum febre vehementissima multo magis vitanda est purgantis medicamenti administratio, atque per sectionem venæ vacuandum magis, etiam si ad hypo-

In acutis
purgatio
damnata.

condrium dolor pertingat, nempe etsi minus quidem auxilium, quam per purgationem, securius tamen multo existet, immo nullum ex eo, quod per venæ sectionem fit, periculum impendet, eo discrimen maximum subeunte, quod per purgationem tentatur. *hæc Galenus, quæ maxime conveniunt cum dictis ab Hippocrate ad docendum, quantum periculi sit in usu purgationum in acutis præsertim morbis; cum tamen medici multi, non sæpe solum, sed semper, & in omni morbo, licet acuto, medicamentis purgantibus utantur, siue clementer, siue violenter noxios humores educant. sed quod in hac parte peccatum est, non est proprium Urbis, sed est orbi vniuerso commune. audi Vallesium ad 1. sect. aph. 24. de ea re differensem, Mihi tamen, inquit, longe aliam sententiam videtur Hippocrates modo ferre, eamque, quantum ego censeo, verissimam, & cuius ignorantia gravissime peccant hoc tempore medici. Nimirum in morbis acutis raro esse utendum medicamentis expurgantibus; quia talium medicamentorum usus febribus perpetuis & magnis est aduersissimus. hæc Vallesius. Ergo in acutis morbis suspecta purgatio est, est tamen interdum in eisdem necessaria; sed scire est, cum in acutis purgare licet, purgationem ex Galeni sententia præire, & sanguinis missionem sequi: nam scriptum est 4. aph. 10. medicare in valde acutis eadem die, si turget: itaque si turget, initio: & antequam sit missus sanguis, purgatio præibit sanguinis missio.*

missionem: cumq; purgationem in acutis initio Galenus opportunam ex eo præsertim statuat, quod turget, cumque raro turgeat, raro erit locus purgationi: sed cum erit, purgandum prius erit, quam sanguis mittendus, quia turget: nam, quando turget, confestim purgandum, Hippocrates docet. Est tamen in hac re difficultas aliqua ob vocabulum, turget, sed hanc alibi examinabam. Saltem habemus, recepta Galeni interpretatione dicti Aph. 24. sect. 1. purgandum in acutis prius, quam sanguinem mittendum. Si vero agatur de intermittentibus, ac præsertim de tertianis, quarum alie dictæ sunt exquisitæ, alie nothæ, Vnde habetur, in tertiana exquisita sanguinem mitti prius oportere? num ab auctoribus? Atqui Galenus in eiusmodi tertianæ curatione describenda, sanguinis nesci quam meminit, solesque dubitari, an conueniat, in hoc febris genere sanguinem mittere. Num igitur ab experimentis? at scimus, infinitos ex tertiana exquisita liberatos, ommissa penitus sanguinis missione, & alios multos eadem purgationi postposita, ut illos præteream, qui neutro auxilio adhibito sanati sunt. Sorderent fortasse nostræ observationes, consulat studiosus lector Petri Foresti observationes de febribus lib. 3. obseru. 5. 7. & 15. ubi narrat aliquos hac febre liberatos absq. ulla venesectione, & in reliquis de febre huiusmodi observationibus narrat quidem sanguinem missum sed sumpto prius purgante aliquo medicamento. Vnam in obseruat. 12. narrat, huiusmodi febrem, in qua sanguinem

In tertiana exquisita sanguis non semper mittendus.

Tertiana
notha.

Quartana.

Plethoria
non est in
omni pu-
trida febre

guinem mitti prius curavit, postea vero purgans medicamentum offerri. cum tamen omnes liberatos affirmet. De tertiana vero notha Galenus lib. 1. ad Glauconem inquit, Si oportuerit, sanguinem ab initio statim mittes; ergo cum dicat, si oportuerit; demonstrat, non esse vena sectionem in eo morbi genere semper necessariam. Si dicat aliquis, Galenum in Quartana sanguinem mittere, & ideo querat; cur non & in tertiana notha mittendus sit, is animaduertat, ab eodem dictum, si sanguinis abundat, si crassus, & niger est, quo significauit non semper faciendum, neque per se indicari à quartana sanguinis missionem, quod de tertiana pariter dicendum est. At saluberrimum est in omni febre putrida sanguinem mittere (ita enim ex Galeni lib. xi. meth. c. xv. vociferantur) fateor, sed duo sunt notanda, alterum, etsi quid est salubre non tamen semper necessarium: alterum finis, cuius gratia Galenus ait saluberrimum, ait scilicet, ut natura exonerata ab eo, à quo tanquam à sarcina premitur, facilius concoquat, & expellat: hoc est, si sanguinis adsit copia, quæ natura officia impediat. Sed potest non adesse, ergo non semper sanguis mittendus, atq; si quis persuasit sibi, in omni putrida febre promiscue, & absq. ullo discrimine adesse vocatam plethoriam cum caco-chymia, sanè is à scopo longissime aberrat: ita enim liceret concludere, febris adest putrida ergo & plethoria, quod tamen non licet, nisi plethorice signa appareant, quæ Galenus enumerat libro præsertim de plenitudine, quæ

quæ non in omnibus reperiuntur: atque adeo, ubicumque plenitudo ea non adfuerit, non erit utile, non erit saluberrimum sanguinẽ mittere; si præsertim plethorice nomine mittendus sit: Ergo non semper expedit in putridis febribus sanguinem mittere; Sic idem Forestus lib. eiusdem. obseru. 16 inserit historiam mulieris, cui non est in tertiana notha sanguis missus, à quo præstidio abstinuit quoque in eo, de quo obseru. 18. ut abstinuit in quotidianis etiam, de quibus agit in obseru. lib. eiusdem. 20. 21. 22. 23. 25. 26. 27. qui etiam in hac postrema obseru. inquit, Venæ sectionem hic non adhibuimus, cum in hac febre minus conueniat. Sed abstinuit quoque in quartana, de qua in obseru. 37. 38. 40. & 42. cum in alijs quibusdam quartanis sanguinem missum affirmet, licet prægressa purgatione, unde Tertiana ante dixi. Sed quia nonnumquam in diutis febribus expedit sanguinem mittere, & ij damnantur medici, qui prius adhibent purgationem, quam venæ sectionem, hoc iam speciatim consideremus. Ac sane Hippocrates 4. acut. 20. in varijs, quas ibi memorat, affectionibus, docet prius mittendum esse sanguinem, post ea dandum medicamentum, quo ex loco posteriores cuncti rei medicæ cultores accepere, tãquam vniuersale documentum sanguinem prius esse mittendum, quam purgantia medicamenta offerenda, quod & Galenus indicasse videtur lib. 1. ad Glauconem scribens de tertiana notha, in cuius initio docuit, sanguinem confestim mittendum esse, hoc est ante purgationem

Veux sectione. ante purgationem in febribus nõ acutis.

nem, quibus similia dixit lib. ij. methodi c. 14. & 15. sed ad 6. Epid. sect. 1. t. 6. hæc inquit, quod si utroque auxilio homo indigeat, à venæ sectione incipiendū esse, patet. hicque idcirco esse ordo seruandus dicebatur, quod ab vniuersalibus ad particularia procedendum est, arguta sane ratione, tanquam functio, que singularium est, doctrina, que vniuersalium, par existat, & indicium eorum, que agenda sunt, petendum sit à praeceptis, non autem à morbis. Esto, careatque difficultate (cum fortasse non careat, sed non sunt omnes questionēs huc transferenda) sanguinis missione omnis ex aequo humores euacuari, tamen non est sanguis mittendus prius, quia communius sit hoc facere, quam priuatim bilem, vel pituitam ducere: sed quia res exigit, aut non, faciendum hoc, vel illud est, si videlicet adsit copia sanguinis noxia, vel suspecta, sanguis est mittendus, si nō adsit, nō est mittendus, sed solum id, quod nocet, educendū, quod Hippocrasē p. aph. 2. docuisse, Galenus est auctor, cuius interpretationē reliqui interpretes probarūt, et receperūt: ac sane docet ipsa natura, quæ molesta sunt, illa excuti debere: itaque non ab vniuersalibus ordiēda est medicina, sed à noxijs, & molestis. si interim sit, quod toti corpori noceat, illud sane auferendum prius, quam partis alicuius affectum proprijs auxilijs demolendum aggrediari. Sed hoc non est, de quo agitur, & aliud est vniuersale in corpore, de quo modo dicebam, aliud in remedijs, de quo differitur: & illud quod dicitur vniuersale in corpore, potest

potest esse morbus non ex sanguine, sed ex bile, aut pituita, citra sanguinis abundantiam, itaque purganda bilis erit, vel pituita, & erit vniuersalis (vt ita dicam) euacuatio, quia aufert id, quod uniuerso corpori noxium est, etsi sanguis non est: sic Mesues in curatione doloris capitis vocabat purgationem vniuersalem, non ratione materie, sed ratione corporis, quod vel vniuersum, vel eius pars aliqua purganda sit: quæ visa quoque est interpretatio Gentilis ad 4. p. Auicennæ cap. 4. cum inquit, euacuatio vniuersalis est duplex, quæ euacuat à toto, vel à pluribus partibus, & de ista loquitur Mesues, non autem de euacuatione per flebotomiam. voluit dicere, alteram vacuationem dici vniuersalem ratione materie, tanquam sanguis vniuersalis, bilis, pituita sit particularis, & de hac Mesuen non esse locutum. Cur autem sanguinis missio præponenda sit, melioribus (puto) rationibus declaratum est à Francisco Valleſio lib. 2. meth. c. 3. nam cum adest redundantia simul, & vitium, sæpius sanguine misso vtrumque scopum attingimus, quam sola purgatione; nam per sanguinis missionem extrahitur simul viciosum cum sanguine, per expurgationem autem non extrahitur sanguis cum vitioso. & melius preparat sanguinis missio ad expurgationem, quam expurgatio ad sanguinis missionem: hæc enim laxat vias, quo maxime corpus expurgandum indiget: illa debilitat vires, quo nihil ad mittendum sanguinem periculosius. Hæc valde probabiliter

Nō est per
petuū, san-
guinem
prius mit-
tendum,
quem pur-
gandum.

Vallesius differebat, quibus consentanea scripserat lib. 7. controuers. c. 9. quæ tamen non persuadent, hoc perpetuum esse: namque idem loco eodem V allesius causam attulit, quamobrem interdum contrarius ordo seruandus sit: Nisi, inquit, contigerit expurgatione concitari ardorem nouum in visceribus, tunc enim nihil consultius, quam ab expurgatione sanguinem mittere. quamquam, hoc medentium errore contingere, opinatus est, purgans medicamentum ante sanguinis missionem offerentium: Sic enim nouum ardorem excitant, augent scilicet febres. Verum enim vero potest hoc bono quoque consilio fieri: nam si biliosus, aut pituitosus aliquis sit, in hoc Auicenna 4. p. c. 4. & cap. 20. timuit sanguinis missionem ante purgationem; cuius timoris rationem illis attulit verbis cap. 20. Et summopere tibi caue, ne ægrum ad vnam duarum perducas rerum, scilicet humorum cholerarum ebullitionem, & frigidorum cruditatem. ergo potest in ægri corpore feruor aliquis incrementum, si sanguinis missio prauerit purgationem: voluitque biliosos humores ante venæ sectionem educi. eoque docuit, non semper, aut solum ardores oriri ob prægressam purgationem, sed etiam ob prægressam venæ sectionem: sed hæc fere obiter hoc loco. Satis vero ex dictis diluta videri potest, ratio, qua nonnullis persuasum est, purgationem oportere semper à sanguine missione præueniri.

Sed neque sunt efficaciora, quæ dicta sunt ad reprehendendum vltimam illorum rationem, qui idcirco prius

prius aluum medicamento lenire aiunt oportere, quam
 sanguinem mittere, quoniam vetustissimum documen-
 tum est praesertim Galeni lib. 9. meth. c. 5. & lib. 11.
 item Meth. c. 14. cuius Celsus etiam meminisse lib. 2. c.
 10. crudo non esse sanguinem mittendum. quod egregie
 sane dictum est. Sed arguuntur, quoniam creditum
 est, hoc ab illis acceptum de cruditate humorum, cum
 Galenus de cibis crudis verba fecerit. atqui ego,
 de ciborum cruditate, hoc ab illis omnino dictum,
 puto, nec crediderim. Galeni studiosum aliquem
 aliter sentire: nam si iidem negant, humores licere
 crudos expurgare, quomodo vtuntur ante vena sectio-
 nem medicamento ad cruditatem demouendam, ne eius-
 modi cruditas vena sectionis beneficium impediatur? sa-
 ne de ea, quae tunc auferri potest, eos loqui, consenta-
 neum est: ea vero ciborum cruditas est, & communium
 excrementorum congeries, quam auferre necesse est,
 quod in acutis quam commodissime praestatur clystere
 infusis, in diuturnis vero, & alias non acutis, licet
 non diuturnis (sunt enim aliqui breues non acuti) cu-
 mulatius praestatur medicamento citra violentiam pur-
 gante. immo (quando huc venimus) ex Galei sen-
 tentia in hoc morborum genere, ante quam vena inci-
 datur, vtendum est purgante medicamento: saltem blan-
 do & facili (quamuis initio violentis quoque, si res pa-
 bularet, vti expediret: neque hoc pugnaret cum veto-
 rum sententijs: de qua re disputatum est ad p. sect.
 aph. 2.) namque in ea questione, utrum curatio a
 Crudo san-
 guis mit-
 tendus non
 est.

debilioribus, an à fortioribus præsidijs inchoanda sit, concluditur, à fortioribus inchoandum in acutis, & valde periculosis morbis, in quibus affert mora periculum, ubi vero leuior morbus est, & in eo mira periculosa non est, tentandum prius curationem leuioribus: est autem vena sectio Galeno fortius purgatione præsidium (quamuis quod ad utendi modum attinet, securius) quod eo probatur, quoniam ipse, ubi vena sectio non adhibetur, quia vel ætas, vel vires, (ne timorem dicam quorundam) eam non ferunt, adhibet vicariam purgationem lib. 4. de san. tu. c. 4. non autem sanguinem mittit loco purgationis: ac licet in purgatione molestia maior percipiatur, grauius tamen negotium facessit missio sanguinis, qua nature thesaurus profunditur. Ergo ante vena sectionem purgantis medicamenti, eiusque lenientis vsus non est simpliciter, & absque discrimine dammandus. Quod vero Hippocrates lib. 4. acut. 20. docuerit, in quibusdam morbis præmittendam esse vena sectionem purgationi: hoc nos libentissime, tanquam saluberrimum præceptum, recipimus: Sed est illud eo loco præceptum particulare, ut patet ex Galeni interpretatione dicentis illic catalogum exponi morborum, Qui prius sanguinis missionem, deinde ab ea purgari postulant: quamobrem intelligere est, morbos quoque esse alios, qui vel sanguinis missionem non requirant, vel non ante purgationem. Est quoque illud particulare documentum, quod habetur lib. 6. Epidem. s. 6. nam de renum doloris curatione, agebatur; ubi li-

Vena se-
ctio fortius
purgatio-
ne præsi-
dium.

Vena se-
ctio ante
purgatio-
nem.

cet mirari, priore loco factam purgationis mentionem,
 eique succedere mentionem sanguinis missionis; Iuue-
 nes, inquit, veratro purgare, poplitem incidere;
 tamen Galenum ad eundem locum enuntiasse illud tan-
 quam vniuersale preceptum, vbi vtroque auxilio ho-
 mo indigeat, à venæ sectione incipiendum esse;
 quod etiam tanquam commune documentum aliqui re-
 ceperunt. cui tamen non omnes acquiescunt; & distin-
 ctione opus esse arbitrantur: hocque illa docent, quæ
 ante dicta sunt, innumeris experimentis compertum es-
 se, purgationem salubriter præmissam venæ sectioni,
 quod ante indicatū est ex Foresti observationibus: item
 in acutis purgandum prius, si turget; docent quoque
 superius repetita ex Vallesio & Auicenna: nec quia
 Galenus in pteridis febribus infinite dixerit, statim
 initio sanguinem mittendum, idcirco pugnat cum his,
 quæ modo exposui: nam probamus & nos maxime do-
 cumentum illud, sanguinem mittendum prius, quam
 purgandum, sed ijs exceptis, quæ narrata sunt. quod-
 que Galenus inquit, vbi vtroque auxilio homo indi-
 geat, à venæ sectione incipiendum, intelligitur, posita
 indicationum paritate, ac si dixisset, vbi æque vtroque
 indigeat: quæ fuit Auicennæ sententia 4. p. cap. 4. cum
 inquit, Et ad summam, si humores fuerint æquales,
 præmitte minutionem. Ac siue si maius periculum
 vtrumque imminuat ex sanguine, nemo dubitabit,
 quin à sanguinis imminutione inchoandum sit, quod si
 maior vis ad ledendum sit in alijs humoribus, consen-

raneum est rationi, nec alienum est ab experimentis,
 nec ab auctoribus, incipere à purgatione; sic enim loco
 eodem inquit Avicenna, quod si æquales non fuerint,
 in primis super abundantem euacuâ humorem, do-
 ned æquatur, postea minue. quamquam Galenus vi-
 deatur veritus hoc dicere, nam lib. 4. de san. tuenda c.
 4. in curando affectu ulceroso, si cum sanguinis copia
 crudi quoque succi fuissent, sanguinem prius mitteri,
 deinde docet, aluum deiciendam, quod si solus vitio-
 sus adfuisset succus, duntaxat opus esse purgatione, &
 rursum si sanguis exiguus sit, succus vero crudus plu-
 rimus, monet, à sanguinis detractione abstinendum.
 Si verò sanguis copiosus, & succus crudus exiguus,
 prius item venam incidendam, deinde aluum deicien-
 dam. his ergo locis aut solam proponit alui deiectionem,
 aut post sanguinis detractionem, non ante, quamvis co-
 pia succorum adsit crudorum. quapropter illud est à
 Galeni sententia maxime alienum, quod aiunt, si æque
 utraque necessitas urget, prius expurgandum esse &
 hoc enim recta est contrarium ijs, quæ Galenus docuit.
 Pone, inquit, in eodem cap. 4. lib. 4. de san. tu. homi-
 nem ex mala victus ratione lassitudine affectum,
 deinde ex ijs, quas retulimus, notis, in venoso va-
 sorum genere apparere, subesse illi copiam semicru-
 dorum succorum, in reliquo vero corpore multitu-
 dinem horum sane mordacium, quos lassitudo se-
 cuta est, auctus præterea quodammodo & sanguis
 cito, detrahare primo de sanguine oportet, deinde
 succum

succum illum educere, qui superare videtur. his ver-
 bis describitur par copia sanguinis & aliorum humo-
 rum, nisi etiam maiorem indicauerit aliorum copiam;
 quos tunc in venis, tum in corpore vniuerso ponit abun-
 dare, de sanguine vero, tantum, inquit, auctus quo-
 dammodo est, nec tamen prius purgandum voluit, sed
 primo de sanguine detrahendum. quod & indicauit ip-
 se Galenus lib. epid. 6. sect. 1. c. 6. qui praterea in omni
 febre, tam putrida, quam continente, sanguinis missio-
 nem exulit, purgationem vero longe minus aestima-
 uit: quod facile intelliget, qui ea, quae de curandis
 febribus ab eodem tradita sunt libro methodi nono, &
 undecimo, libro primo ad Glauconem, & libro Artis
 medicae diligenter perleget, & expendet. Nec dicen-
 dum est, illum veritum esse medicamenta violenta
 soluentia, nam quae benigne expurgant, non fuisse Ga-
 leno ignota, ut posterius demonstrabitur. Nec mouet
 nos illa ratio, quae nec Galenum mouit, & si multa
 persuasit si prima regio scateat excrementis, futurum,
 ut, praemissa venae sectione purgationi, regionis illius
 excrementa in venas trahantur, sedumque sangui-
 nem reddant, non timuit hoc Galenus licet vniuer-
 sum corpus, & ipse vena, nedum sola prima regio,
 succis abundaret crudis, ut ante diximus, solū in las-
 situdine, cum qua sanguis bonus exiguus est, crudi ve-
 ro succi plurimi sunt, de qua differit lib. 4. de san. tu.
 cap. 1. Sed ita timuit, ut perinde alui deiectionem,
 atque sanguinis missionem damnauerit, & prohibue-
 rit

Benigna
 medicamē
 ta Galeno
 notha.

rit inquit. Si in lasso corpore sanguis exiguus sit, crudi humores plurimi, huic nec sanguis mittendus, nec alui deiection, aut exercitatio, aut omnino motus, aut balneum adhibendum; quippe incisa vena bonum sanguinem emittit, malum qui in primis maxime venis, circa iecur, & quod mesenterium vocant, colligitur, in totum attrahit corpus. deiection vero in talibus tormina, & rosiones facit, animique deliquia, cum eo quoque quod nec notatu quippiam dignum educit, quando crudi omnes fucei pigri, atque admotum inepti propter crassitiem, frigiditatemque sunt; & quamvis in his postremis verbis succos memoret frigidos ob peculiarem rationem enarratam; quia sunt ad motum inepti, tamen paulo superius in cap. 4. promiscue memoravit crudos & mordaces, à quibus oriri & tormina solent. & rosores, & animi deliquia, quæ Galenus timebat ab alui deiectione in casu proposito. & hac dicuntur ubi succi pravi abundant, & sanguis exiguus est. Vbi vero par necessitas sit, (de qua re nunc differitur) timorem huiusmodi neglexit, & sanguinem prius mittendum statuit. Aliam attulit Avicenna rationem in dicto capite quarto, periculum esse, ne crassi succi, frigidique abundantes, præmissa vena sectione purgationi, enaderent crassiores, sed ei periculo facile obviam iri potest, modo sanguinis missioni adhibito; neque enim semper tam profuse mittendus sanguis est, ut animi defectus inducatur, quo in contrarium statum corpus agitur

agitur, & celerrime refrigeratur, vt Galenus nota-
uit lib. methodi nono cap. 4. Idem vero cum de febribus
differeret, consilium habuit omnino à recentiorum sen-
tentia diuersum, quo adductus quam celerrime, omis-
sa penitus purgationis ratione. sanguinem mittere pro-
perabat: timebat enim, ne mora sanguis putredinem
conciperet: itaque ad agrum nocte vocatus intempesta,
vt narrauit lib. 9. meth. c. 4. confestim sanguinem mi-
sit, quod ei optimum factu visum est, antequam, in-
quit, putredo inciperet, quod longe magis est facien-
dum, vbi iam putredinem adesse constat: ne plus iusto
augeatur, vnde grauius periculum immineat, quam
ex humoris crudi raptu intra venas; quem tamen non
timebat, vbi par esset sanguinis & humorum copia
crudorum, sed tantum, vbi sanguis exiguus esset. at-
tendebat tamen Galenus ciborum quoque cruditati in
febribus, sed non vt medicamento ad purgandum vte-
retur, sed solum vt tamdiu vena sectionem differret,
quantum, inquit, satisfacere tum ad eorum conco-
ctionem, tum vt excrementa descendant, videretur:
Sed nec Auienna ausus est, alui deiectione per medica-
mentum proponere, sed vomitum laudauit, & clysterem,
ita enim 4. p. c. 20. inquit, à minutione præterea ca-
uere debes super cibi repletionem, ne materiam non
maturam trahas loco eius, quod ab eo euacuasti, &
oportet etiam, vt tibi caueas ab eo in repletionem sto-
machi, & intestinorum facta ex fece iam consecuta;
& propinqua. immo in eam vacuando stude; & il-

Galenus cō-
siliū de
purgatione
in febribus

Galenus
curhabere
rationē cru-
diratis ci-
borum san-
guinē mis-
surus.

Mouere &
non eua-
cuare utrū
pernicio-
sum.

lud quidem, quod est in stomacho, aut coram eo, vomitu, & quod in intestinis inferioribus, quo poteris, & si non alio saltem clystere; Sed non semper adest ea cruditas: atque cum adest, si breui inedia tolli potest, vanum est existimare, purgationem vena sectioni praeferre, semper oportere. Verum enimvero, saepe quoque locum esse purgationi ante vena sectionem, superius dictum est satis. quam purgationem moderatam esse debere, Hippocrates & Galenus perspicue docuerunt. Sed clamant ex Galeni sententia ad lib. 2. acut. ij. perniciosum esse mouere, & non sufficienter vacuare, medicamento autem, de quo dissertur, ante venae sectionem oblato, commotionem fieri potius, quam euacuationem, & inde in febribus exanthemata apparere ex humorum putridorum commotione, tertianas febres duplicari, ad tertium & quartum mensem protrahi. haec ita iactantur. Sed quod extat testimonium, damnato in propositis reprehensionibus usu lenientis medicamenti, saepe orta exanthemata? duplicatas febres, & in longum tempus protractas? quam facile hoc dictum est, tam potest neganti credi. Et nos in hac luce viuimus, & saepe obseruimus febres diurnas, geminatas tertianas, orta exanthemata, & quod grauius est incommodum praetermissum; multos de functos. Sed morborum exortum, quo argumento potius imputandum medicamento, quam huius vniuersitatis, & hominum praesertim naturae? scilicet obseruatum est, ab Hippocrate,

ac litteris traditum, in pluiiarum multitudine fieri longas febres: unde igitur accipitur, fieri medici culpa, quod Hippocrates constitutioni temporis tribuendum docuit? Solent in quibusdam annorum constitutionibus vagari febres letales, cum exanthematibus, cur vitio medentibus vertitur, quod temporum prauitas secum affert? Quartana morbus est longus, & fieri solet astate, & autumno, ergo si cui quartana accesserit, medicus accusandus, qui die secundo, hoc est post primum febris accessum, medicamentum dederit, non damnabitur ager, qui volens, aut nolens, commissis quibusdam, in id morbi genus, quod ab huiusmodi quadam causa necessario, & in illa anni parte oriri solet, inciderit? num etiam statuunt, debere pharmacis initio morbos extinguere, illorumque progressum omnino cohiberi, & intercipi? mens ea profectio Galeno minime fuit, qui morbos docuit salubreis quatuor necessario temporibus distinguere, initio, cremento, vigore, decessu, nec propterea inutilis est medicina, quae vel est maxime necessaria, ut alibi demonstratum est. hoc enim loco de his obiter. Sed cum agitur de tertiana febre nominatim, voluisssem distinguere inter notham, & legitimam, siue exquisitam: nam febrem tertianam exquisitam crebro degenerasse in febrem letalem, non est facile demonstrare, aut persuadere: dixi autem crebro, nam, interdum hoc, & raro fieri non negauerim, quamuis nullam huiusmodi febrem in suis observationibus Forestius narrauerit. at deberet, hoc

crebro contingere, si medicorum culpa contingit, cum id crebro committant crimen, quo accusantur. Si vero non sit exquisita, non est mirum: neque medici vitio semper fieri, dicendum est, si degenerat in letalem morbum, aut in longum tempus producit. Sed testari valemus, in curanda tertiana sine vlllo incommodo alijs seclam venam prius, quam oblatum medicamentum, alijs oblatum prius medicamentum, alijs alterum tantum, alijs neutrum adhibuit, vnamque victus rationem praescriptam, omneis tamen pari conualuisse felicitate. cumque Hippocrates narrat, Epicratis uxori febrem perductam ad diem octogesimum, & Cleonae Etidi Parionis filio ad centesimum vigesimum, quo etiam obiit & huiusmodi (multos enim egros memorat, quorum alij post totidem dies sanati sunt, alij interiere) item cum alios quarto, vel sexto, vel septimo defunctos scribit, statuemus illa euenisse Hippocratis errore, an causarum, à quibus morbi vel oriuntur, vel augentur, vitio? Sed quid hac ad Urbis potius, quam vniuersi orbis medicos attinebant? Febres vbiq; annis venientibus oriuntur pravae, & malignae vocatae, & exanthemata, de quibus copiose scriptum est ab Hispanis medicis, à Gallis, à Germanis, ne Italicis scholas, praeter Romanam, commemorem. Atque non negauerim, bonum quoque Homerum interdum dormire, quando & Hippocrates deceptum se à futuris fassus est, & proprijs litterarum monumentis commendauit: ita si quis persuadeat sibi, egros mori medi-

medicorum erroribus potius, quam morborum violentia, is sane artis medica vires, ac limites nescit, & vim huius vniuersitatis reatricem ignorat, moriendum aut senio, aut morbo, aut violentia quacumque: nec sanari aegri omnes valent, licet vel rectissime curentur. Memor illorum esto, quae Aristoteles initio libri Rhetoricorum primi dicebat, cum artem dicendi similem esse medicina accipiebat, ut, quid interesset finem inter, & officium oratoris, doceret. quantumuis enim egregiam medicus operam nauet ad sanandum pbtissimū, quod illius officium est, & in eius potestate positum est, hoc tamen assequi non potest, qui finis est, quem assequi non est in eius potestate positum. Non est in medico semper releuetur ut aeger. Narratas vidi duas amplissimorum virorum historias, qui laudata methodo sanati sunt; quasi millia Romani medici narrare nequeant item methodo sanatos sua. ne contra dicamus, non deesse exempla virorum, & quidem illustrium, quos laudata in reprehensionibus methodo curatos, quidem, sed defunctos nouimus. Sed quae ista est quæso tam salutaris methodus? Ut scilicet, initio confestim sanguis mittatur, deinde offeratur medicamentum, quod recipit decoctum ex tamarindis, floribus, & fructibus cordialibus (ita enim vulgo hæc appellantur) manna, sirupum de rosis, rhabarbarum, triferam perficam, Hæc est laudata methodus, & videtur quoque ratio in Vrbe seruata, tanquam empiricis a deo nota, ut relatum sit, in S. Spiritus Valetudinario pharma-

pharmacopolam, ob tardio rem medici aduentum, aegris
 quæ essent offerenda præscripsisse, illorumque nihil à
 medico accedente immutatum, indicio, Urbanam
 methodum carere ratione. At quis novit, an ille medi-
 cus aliquid in rem suam dissimulauerit? potuit quoque
 fieri, ut in illa visitatione nihil grauius occurreret, quo-
 niã in prægressa visitatione medicus ea præscripsisset,
 quibus in sequens tempus prouisum esset, quod creber-
 rime contingit. Sed ex vnius fortasse errore de om-
 nibus est iudicandum, tanquam ingenium, iudicium,
 disciplina, eruditio, ars ipsa denique in animis homi-
 num imprimatur, ut in aere signa imprimuntur, simili
 omnino imagine, parique pondere, ac magnitudine. Sed
 quæ ratio facilior curandi; & quam non quivis tan-
 tum de triuio medicus, sed agyrta quivis, & pharma-
 copola imitetur; quam, cum primum ad egrum ve-
 neris, sanguinem mittere, & quarto deinde, vel sexto
 die medicamentum ante descriptum exhibere? an non
 est vllum morborum discrimen, non naturarum, & cor-
 porum, non ætatum, & regionum? Qui diligenter ob-
 seruat motus, moresque egritudinum, is facile intelli-
 get, alias salubriarẽ venæ sectione purgationem, alias
 cõtra, alias, scilicet misso sanguine nihil de morbo dem-
 ptum, sed cum exceperit sanguinis missionem purga-
 tio, confestim egrum restitutum esse, alias contra, præ-
 gressam nullo euidente commodo purgationem, secutam
 salutarem venæ sectionem; quæ statim sustulit mor-
 bum, alias neutrum auxilium manifeste profuisse, sed

Euentuum
 varietas.

-nimis do-

tam-

tamdiu, morbum durasse, ut vulgus existimauerit, di-
 cta praesidia frustra adhibita. ex qua euentuum va-
 rietate apparet, vniuniformem illam medendi rationem
 nec in omnibus, nec in plerisque recipiendam esse. Atq;
 cum Hippocrates scriptum reliquerit, medicina neque
 principium esse, neque medium, neque finem, id, quod
 est, indicasse, alias à vena sectione incipiendum, alias
 à purgatione, alias alteram tantum, alias ambas,
 alias neutram vsurpandam. cuius varietatis medi-
 cos Urbis esse conscios, persuasum est mihi. Cum vero
 damnatur vsus medicamentorum leniter purgantium,
 quia commouent illa potius, quam euacuent; cupie-
 ham enarrari, quae exstet ratio idoneam euacuatio-
 nem mensurandi: cumque decantatum sit Galeni do-
 cumentum; nihil esse, quod medicinam aequae coniectu-
 ralem efficiat, atq; cuiusque praesidij mensuram; quam
 habent copiosarum vacuationum studiosi rationem in-
 dicandi de idonea earundem mensura? an nihil facien-
 dus est Hippocrates, cum, inquit, prodeuntia non
 sunt in multitudine aestimanda? decepit ergo idem nos,
 qui laudauit vacuationes modicas τὸ κατὰ ἰλίον ἀσφα-
 λές, admonens in paucitate securitatem inesse, &
 contra damnauit τὸ κατὰ πολὺ quoniam est τῆ φύσεως πολέ-
 μος. Sensim & occulto auro natura res suas promouet:
 quid ergo vulgus oblatrat, modicas vacuationes com-
 mouere solum, non perficere, & expedire? tantum ex-
 pediunt, quantum mouent, atque ut Galenus repe-
 titam sanguinis missionem laudauit, ita & Hippocra-
 tes

Mensura
 vacuatio-
 nis,

De cur. rat.
 per sangu-
 miss. c. 12.

1. aph. 13.

Medica-
menta be-
nigna Ga-
leno co-
gnita.

tes iteratam purgationem maxime probat. Nec etiam Galenus ad 2. acut. ij. laudat profusas vacuationes, qui scribens ad Glauconem in tertiana notha contentus fuit ijs, quae moderate aluum subducunt ἱμακὼν ὑπολάττον (quod faustum felixque sit negantibus, nota Galeno medicamenta benigne vacuantia) quibus se continue usum esse, loco eodem profitetur; Sed, primum, damnabat in illo 2. acut. in acutis affectibus purgationem; quo à nobis stat illa auctoritas; deinde, cum in eisdem morbis purgandum est, laudat solum mediocrem purgationem, cuiusmodi solet his fieri medicamenti, de quibus actum est saepius, inquit Galenus; Quibus igitur dare quadrabit, his medicamenti tantum propina, quantum in plurimis mediocriter vacuare, tum nouisti, tum sis expertus συμπίπτειν τοῖς. Cum itaque ibidem damnantur, qui mouent, & sufficienter non euacuant, ex eo non efficitur, euacuationem debere esse copiosiore illa, quae praestari possit medicamenti ante dictis: nec putandum, voces, moderate συμπίπτειν, & sufficienter ἱμακὼν, quibus ibi Galenus usus est, contrarium aliquid significare, sed ipse uoluit nos intelligere, medicamentum vacuare sufficienter, si moderate vacuet. Atque haecenus dilutam satis existimo reprehensionem illam, errare medicos, qui ante uena sectionem medicamenti, illisque lenientibus, utuntur.

Iam caput illud aggredior, in quo illi damnantur, qui, ab exhibito primis diebus medicamento
tempus

tempus dicuntur terere iura exhibendo, quæ alterata vocantur, & lapidem bezaarticum, & oleo ex eorticibus citri mali cor illinendo, neglecta cura humorum noxiorum vacuandi: decepti Hippocratis auctoritate, qui docuit, Concocta medicare, & mouere, non cruda &c. ac tandem, cum exactus fuerit dies quartusdecimus, vno melle ros. egros euacuant; & euacuauit; eo licet tempore solutus morbus sit, ob timorem recidiuæ, cum initio purgandum sit, & vtendum medicaminibus bilem educentibus. (*scilicet sermo erat potissimum de febribus tertianis*) nec moueri de hac sententia debere ob dictam Hippocratis auctoritatem, quæ vera tantum est de vsu medicaminum, quæ deleteria vocantur, quæ si fortè non euacuent, in humoris noxij naturam vertuntur, cuiusmodi scamonea, turbit, elleborus, colocynthis, hermodactilus, & huiusmodi, non autem de vocatis benedictis, quæ si non euacuent, facile in alimentum vertuntur, cuiusmodi sunt manna, casia, tamarindi, rosæ, violæ, & præ cæteris rhabbarum: hæc enim initio possunt exhiberi, quapropter Hippocrates 2. aph. 29. dixit, inchoantibus morbis, si quid videtur mouendum, moue, etiam si materia non turgeat. etenim cum hoc documentum comprehendat maxime sanguinis missionem, sanguis nec dicatur turgere, etiam si non turget, initio mouendum Hippocrates voluit, ac si sermo de turgente materia fuisset, non docuisset, sanguinem quoque

mittendum, quem non licet mittere turgente materia, ne sanguine misso materia intra venas rapiatur. multa verò sunt in Hippocrate & Galeno, quæ docent, initio vtendum esse medicamentis purgantibus, minimè expectata humorum concoctione, quos omnino minuere per initia oportet, vt natura exonerata, quod reliquum est possit facilius concoquere. *Et hac est eorum summa, quæ aduersus Urbis medicos dicebantur. Sed ea sunt inani prorsus labore repetita, namque ab hac sententia noui Urbanos medicos minime abhorreere, etsi Romæ, vt alibi ubique, viget difficultas ex illo aph. Concocta medicare, quam diluit hætenus nemo aliter, quam medicamentorum discrimine, quoniam alia deleteria, & alia benedicta vocentur, quæ tamen opinionem ab Hippocratis consilio alienam esse, in nostris ad eundem aphorismum repetitionibus ostendimus. Video autem in modo repetitis reprehensionibus primo recepta & probata, quæ in prioris disputationis parte refutabantur medicamenta, quæ dicuntur minoratiua, cum scriptum sit, debere minorationem causæ præcedere, cuiuslibet morbi curationem, quem putris humor excitauit. sic enim natura exonerata quod residuum est, apte concoquet, quæ vulgatissima est medicorum Vniuersitatis sententia. Nec dicendum, medicamenta, quibus nostri vtuntur, non habere eam vim, quæ requiritur ad minuendam noxiam materiam, si quidem non alijs curantur, quam ijs, quæ superius nominatim probata*

Concocta
medicare.

Minorati-
ua purga-
tio in re-
prehensio-
nibus pro-
bata.

ta accepimus, nempe manna, cassia, rosa, viola, tamarindis, rhabbaro quoque, & si hoc rarius aliquando ob pretium, aliquando ob suspicionem de seplasia integritate, aliquando ob varietatem opinionum, ne imputetur eis, quod morbi vitium est, cum possint eundem scopum assequi rosa, cassia, tamarindis, manna, melle rosaceo, vel sirupo rosaceo soluentibus, vel melle, ac sirupo violaceo; cum ergo hac ita probentur initijs morborum ad minuendam materiam, hac est ipsissima ratio medendi, qua Urbani medici, & omnis Europaea schola utitur. Sed est & alterum animadvertendum, quod sumptum est in reprehensionibus, debere semper missionem sanguinis præire, quam sequatur purgatio, quod tamen negatum est in eisdem, faciendum turgente materia, & additum, ubi adest multitudo, semper præsumi adesse turgentiam, turgēt enim materia cum multa est, maxime biliosa, quæ in tertianis febribus præualet. Cum ergo hæc dicta sint, quid est quamobrem arguantur medici initio cassia, rosa, viola, & similibus ante minuētes materiam biliosam, quam vena secta sanguinem mittant? fortasse quia non eo consilio hoc faciunt? at licet non eo consilio facerent, faciunt tamen, & recte, ut ex modo dictis apparet. Ex ipsis ergo reprehensionibus habemus, minoratiuam purgationem admittendam, & purgandum sæpe prius, quam vena aperiatur, quod est Urbanorum methodum medentium adprobare.

Sed dictum est tempus teri iuribus alteratis. at

Iura alterata.

cur tempus dicitur teri? nos contra profitemur hoc esse aptissimum. Victus humidus febrientibus omnibus commodus, vulgatissima Hippocratis sententia; cur, ergo, danda iura, negatur? num quia nutriunt? sane acri nutriendi. at in accessione abstinendum, recte; sed Hippocrates & illud seruandum docuit, si aeger sufficiat, nam si non ferat aeger longiorem inediam, licet quaque in accessione aliquid offerre, atque inde orta est quaestio, Quo nam accessione tempore, citra decessionem, (in qua non est dubitandum, quin liceat aegrum nutrire) expediat magis acribus aliquid praeberre, in itinere, an cremento, an vigore. at illis miscetur succus ptisanae, & contusa caro, & sic acri in accessione vigore nutriuntur. Sane cur haec dicantur prorsus ignoro: nemo est enim mihi notus, tam rudis, & tiro, qui profiteatur, aegros, vigente accessione, alendos esse. Sed nonnumquam acri deficiunt, & decessionem expectare nequeunt, idcirco per vigorem potius aliquis, aut sorbitio exhibetur aliqua. id quod reprehendi nequit, nisi velimus Hippocratis quoque, Galeni, & veterum omnium documenta euertere. De alexipharmacis vero; & cordis illitu non disputabo, quod non reprehenduntur quasi noxia, & inutilia, sed quia interim negligitur humoris noxii euacuatio. Sed negamus dicti humoris vacationem contemni, aut praeteriri, quod patet ex prima reprehensione, qua damnabatur usus medicamentorum lenientium, quibus materiam minui noxiam, satis offendimus. Sed tribuitur Urbanis medicis.

dictis, non esse purgandam initio materiam non con-
coctam, cum Hippocrates, & Galenus docuerint,
licere materiam quoq; crudam initio medicamen-
tis educere, nec obitare aph. p. sect. 2. 2. concocta me-
dicare, nam medicamenta quædam deleteria, quæ-
dam sunt benedicta. Hippocratem ignorasse genus
secundum, ideo negasse crudam initio educendam, non
negaturum si nouisset. egregium certe documentum,
quo ostenditur, Hippocratem ex dimidio medicum fuisse.
Sed fari liceat hoc loco, & mihi dent veniam hanc
equi lectores, nemo hactenus satis Hippocratis in eo
aph. consilium percepit. medentes recte faciunt, cum
initio exhibent medicamenta; & rectius vtuntur le-
uioribus, eodem Hippocrate auctore 2. aph. 1. 1. sed non
recte sentiunt, dum putant, medendi rationem hanc
dicti aph. 2. 2. sententia suspectam, quasi neget Hippo-
crates, initio licere vti medicamentis purgantibus,
quod est maxime alienum, cum alias docuerit, inci-
ipientibus morbis mouendum esse, & hoc documentum
samquam firmissimum assumpserit in eo aph. 2. 2. 2. 2. 2. 2.
parvum & ex eiusdem aph. verbis accipiat, initium
esse tempus purgationibus accommodatissimū: quam-
obrem nec egemus dicto medicaminum discrimine, ut
tollatur contrarietas, quæ nulla est, quod vna cum
reliquis, quæ modo attigi, satis in commentariolo no-
stro in eundem aphorismum demonstratum est, ex quo
illud tantum hoc loco profitemur, recte medicos vti pur-
gatione initio, quæ vocatur minoratiua, illaque esse
quibus

Concocta
 medicare.

quibus utuntur medicamenta aptissima, dum habeant morborum rationem, & reliqua obseruent veterum documenta. de his vero habtenus.

Utrum vero medicamenta benedicta verti possint, in alimentum, & deleteria in humorem noxium, pluribus non persequar, quod est ab instituto presente alienum, dicam tantum de benedictis, non esse promiscue enuncianum, quia ignotum est mihi, rhabarbarum, aloen, polypodium posse in sanguinem verti: sed nec illud satis percipio, scammonium posse in bilem verti, & veratrum in pituitam, quod si fiat etiam, quantum augeri potest pituita, vel bilis exiguo scammonij aut veratri pondere? Quod autem additum est, post diem decimum quartum vno melle & rosa egros purgari, hac non est iuris questio, sed facti, & imponitur Urbanis medicis, quod nec utantur rhabarbaro, nec alijs, quorum sit vis efficacior, quam rosa, quam tamen in reprehensionibus probatam legimus, inter ea, quae bilem educunt, ut ante notatum est: plena sunt enim pharmacopolarum officinae libris, in quibus seruantur medicamentorum, quibus medici Urbis utuntur, descriptiones: Seplasia est in Vrbe frequens, & est simplicium medicamentorum vndique perpetuus ad Urbem concursus, argumento Romae in vsu, vel plusquam satis frequenti, esse omnis generis medicamenta. facile est verba profundere, sed iuste reprehendere, & vera dicere & docere, hoc opus, hic labor est. Sed nec ridenda vacuatio soluto morbo facta ob timorem recidivae:

nam

nam Hippocrates admonuit, fieri recidivas, & recidivarum signa docuit: Ergo, cur non sit iuste timendum, ne fiat, quod fieri solet? cur non sit imminenti periculo opportunis auxilijs occurrendum? at hoc faciendum initio, recte; sed initio quoque factum, ponitur oblato medicamento, quo minuitur humoris copia, & egro molestia, quamobrem expeditius natura morbum superet: quo evicto, una reliqua est, recidivae non pretereunda suspicio: interim vero testimonium datur, & reprehensio, consueta medicis Romanis methodo aegros sanari, dum enim videtur purgationis usus post diem decimum quartum soluto morbo, hoc docet, & ea methodo morbos solui posse, ergo non est temere damnanda. Sed tandem affertur ratio, quamobrem subrideri visa est purgatio soluto morbo, nempe, ubi facta est integra iudicatio, nihil movendum esse. Verum hoc loco querendum est mihi ab Universa schola medica, Vbi gentium Hippocrates docuerit, quae perfecte sunt iudicatae, non esse movenda? namque res ea nulla egebat admonitione: etenim perfecte ille iudicatus est, qui plane restitutus est sanitati absque recidivae suspitione: sic enim Hippocrates in historijs Epidemicis saepe dixit tidios inq̃idn, perfecte iudicatus est, cum penitus desijt agritudo, & duntaxat inq̃idn, iudicatus est, cum recidivam narrat secutam, & sacra est admonitio, bene valenti non est opus medico, de medio tamen sumpta, nam qui vis sanus medicis legibus obligari recusat. sed respondebunt (scio) proditum hoc p. apb. 20. quae iudicantur,

cantur, & indicata sunt perfecte, &c. At ad eum locum satis ostendi, nullum esse verbum de perfecta iudicatione: nam vox illa æquiva, nusquam apud veteres auctores eo sensu accepta reperitur, ut latine verti possit, aut debeat, perfecte, sed ubique idem significat, quod latinum adverbium, nuper: quamobrem ex illius Aph. sententia non potest damnari purgatio facta soluto morbo, eo nomine, quod iudicatio perfecte facta sit; cum dicto Aphorismo damnetur solum vacuatio facta; dum sit iudicatio, aut cum nuper est facta, quia tantisper quiescendum sit, donec observari possit, reliquum ne aliquid sit, quamobrem recidiva timeri debeat, iuxta documentum vulgatum, Quæ relinquuntur in morbis post iudicationem, recidivas facere consueverunt. Itaque non est damnandum, sed probandum maxime (quicquid initio præstitum fuerit, vel secta vena, vel oblatum medicamentum, vel utrumque, vel, fortasse, neutrum) si morbo sine signis opportunis soluto, post spatium, ac tempus, quo iudicari potest, timendum recidivam, medicamentum aliquod exhibeatur.

vinī vsus
in febribus

De vini autem vsu in curandis febribus (quod potestremo loco propositum erat) fuit sane vetus inter auctores controuersia, quam etiam definiunt adductis, hominum, vinorum, morborumque, & casuum, qui morbos sequuntur, differentiis, ut intelligatur, alijs congruere, alijs minime, quæ à multis tractata, & probe digesta, non existimo, repetenda, eoque præsertim, quod nec in reprehensionibus laudatur vinum, tamquam

quam febrientibus omnibus commodum, & salutare, immo quod nec in tertiana exquisita, sed tantum in illegitima laudatur, nec quodcumque, sed aquosum duntaxat, ut Sabinum, Albanum, Neapolitanumque Aminæum, quæ quoque refrigerare dicuntur. à qua sententia noui Urbis medicos non abhorre, qui non in tertiana solum illegitima, sed in legitima quoque nonnunquam pro agrorum natura, & morbi tempore (nam Galenus non ante coctionis indicia, vinum in ea febre exhibendum, docuit, scribens ad Glauconem.) immo & aliquando in continua, & acuta febre (ne de quartana dicatur) tenue, & aquosum vinum concesserint: quod vini genus à Galeno probatum esse in febribus, nemo est tam rudis medicine studiosus, qui ignoret. Neque nouum est Romæ vinum agris, & febrientibus, (seruatis veterum documentis) offerre, hoc enim non hodie tantum seruatur, sed seruatum nouimus à primarijs olim medentium, qui multis iam annis vitam cum morte commutarunt, fuereque nobis duces, & rectam agros nutriendi rationem ex vetustis auctorum monumentis indicarunt. de qua re ante hos decem annos nonnulla scripseram in eo libello, quem inscripsi, Romana Epidemia. Esse autem vini genus aliquod frigesaciens, non est negandum, siue Galenum, siue consulamus Hippocratem: nam is lib. 2. de diæta, acida, quæ sunt, ait, frigesacere, οἷον ἀπο, inquit Λύχονι: ille vero lib. de cibis boni & mali succi cap. ij. ait aperte, quedam vina sensibilibiter

F frigesaci-

Vini frigesaciencia.

Amineum
vinum.

Pauciferi
vini du-
plex ratio.

Amineum
vinum, vbi
nasce recur

frigesfacere *ψυχρὰ ἀδυνάτω*, dubia sunt, quæ de vinis
speciatim laudatis dicta sunt: namque Amineum pri-
sci inter generosissima retulerunt, ut legere est apud
Columellam lib. 3. cap. 2. Firmissima dixit Virgilius,
& Galenus lib. 5. de san. tu. c. 5. Sabinum, Albanum,
& Amineum refert inter vina Senibus aptissima, quæ
docet esse debere calidioris natura; alibi tamen refert
inter illa, quæ substantia constant tenui *λεπτὰ κατὰ οὐ-
ραν*, ut lib. de bono & prauo succo. cap. ij. & lib. 12.
meth. c. 4. quæ & aquosa vocari affirmat, & paucife-
ra, *ὀδυνώδεις καὶ ὀλιγοφόροι*, Verum illud fuit animad-
uertendum, esse aliqua vina aquæ simillima quidem
aspectu, nempe colore, & pelluciditate, quæ tamen
epota & calefaciunt, & caput mire petunt, & men-
tem facile tentant, itaque nec paucifera sunt, si vis il-
lorum frangenda sit. Sed paucifera quedam dicuntur,
quæ infirma sunt, & aqua modica vini vim exuunt;
quedam vero pauca aqua vini vim non quidem depo-
nunt, sed suauitatem; ut nonnullæ quoque sunt, quæ
aquam satis multam sustinent, non quia potentia, sed
quia sapida; hocque facile in vini natura expendenda
decipi possumus. Amineum Neapolitanum hodie voca-
tur Græcum, sicut nigrum (erat enim Amineum quo-
que nigrum, ut accipi potest ex Plinij lib. xiiij. c. 3.).
Lacrima, dicebaturque Neapolitanum, quia iuxta
Neapolim nascebatur; ut Galenus ait lib. 12. meth. c.
4. erat autem præterea Amineum tum Siculum, tum
Bithynum, ut idem scripsit Galenus lib. 1. de antido-
tis.

tis. c. 3. Sed natum Aminæum in Pausilypo colle, ut
 aliqui opinati sunt, non est demonstratum ex eod. lib.
 1. de Antid. ubi non est scriptum, ut illi dicunt, nasci
 post Puteolos, in collibus Neapoli vicinis; quasi de uno
 vini genere, unoque, in quo proueniret, loco loqueretur;
 sed & duo loca, & duo vini genera indicauit,
 quod facile intelliget, qui eius orationem attente legerit:
 ea vero est, Quod in Gauro monte nascitur, qua
 parte Puteolos Urbem spectat: quodque in collibus
 Neapoli vicinis oritur, Aminæum quidem nuncupatum.
 hæc ibi. ex quibus accipimus, alterum vini
 genus in Gauro monte, Aminæum vero in cæteris collibus.
 Sed longe dilucidior græca est oratio. ὁ γαυριανὸς ἐστὶν
 τῶν ποπόλων δόφω γινόμενος, ὅτε ἐκ τῆς ἀπέλει, κατὰ τοὺς ὑπο-
 κημίους αὐτῆς δόφους, ἀμναίος μὲν ὀνομαζόμενος, hoc est,
 Gauranum in Puteolorum colle exortum, & quod
 Neapoli in collibus ei subiectis, quod Aminæum vocatur,
 &c. Constat autem, fuisse vinum Gauranum, &
 Aminæum diuersi generis, in dictis tamen Galeni ver-
 bis pro subiectis, libentius legerim imminentibus, &
 pro græco vocabulo ὑποκημίους legerē ὑπερμυμίους quia
 lectio ea consentanea magis est dictis ab eodem lib. de
 cib. bo. & mali succi c. ij. ibi enim Aminæum dixit ori-
 ri in colle Neapoli imminente κατὰ τὸν ὑπερκείμενον αὐτῇ
 δόφον. neque congruens est, montes dicere Neapoli sub-
 iectos, qui sunt ea vrbe eminentiores. Is autem est
 collis, qui Vesuius dictus olim est, hodie Somma vocatur,
 quod conijcere est ex traditis à Strabone lib. 5.

vbi describens Neapolim, Nolam, & vicina loca, illis, ait, Vesuvium vocatum montem imminere, ijs pene verbis, quibus Galenus ἡσπάρτας δὲ τῆς νόσου τῶν ἀνθρώπων δόξας τὸ διὰ τὸν οἶνον: sed quid opus est coniecturis, & argumentis longius petitis? Columella lib. 3. c. 2. cum scriberet de Aminæarum generibus vitium, de gemellaq; speciatim, Campania, inquit, celeberrimos Vesuvij colles, Surrentinosque vestit; non igitur in Paustilypa nascebatur. Aminæum ergo album Neapolitanum, colore & perspicuitate aquam referebat, & aqua modica suavitatem deponebat, (quod hodie contingit græco) eoque nomine aquosum & pauciferum vocabatur, sed interim vini generositatem, viresque, sola suavitate deposita, retinebat. Albanum nostrate flavum, & nigrum longe distat ab Aminæi natura: atque adeo, si Galeno visum est Aminæo esse simile, Albanum priscum longe aliud à nostrate fuisse, quemadmodum & Sabinum (quod nullo hodie est in honore) dicamus licet: Sed de vinis ex antiquorum sententia, non est tam tenuiter, ieiuneq; differendum, cū longe alia de vinis tradita sint à Veteribus, quam posterioribus seculis com-
 perta sunt: Namq. apud Græcos, auctore Aristotele, se-
 rebatur, Vinum dulce non inducere ebrietatem, cum
 iam consset, vina esse multa dulcia, quæ hoc maxime præstant; nisi dicamus, illud negatum comparate, non simpliciter, cum Hippocrates lib. Acut. sect. 3. dicat vinum dulce vinoso minus capiti graue esse, & minus mentem tentare, ἡσπάρτας δὲ τῆς νόσου τῶν ἀνθρώπων, quod est tamèn
 & ip-

Vina dul-
 cia ebrieta-
 tem indu-
 cere.

Et ipsum dubium, nisi comparatio fiat eiusdem generis vini, cuius alterum dulce, alterum vinosum sit: namque sunt anni, quibus vite ex eadem vinum exit dulce, & quibus vinosum fit, idemque interdum primis mensibus dulces, postea vinosum euadit, ut de Apianis vult Plinius dixit lib. 14. cap. 2. Vina primo dulcia, austeritatem annis recipiunt, & rubra fiunt. alioqui constat, vinum Corsicum dulce tentare magis mentem, quam Albanum nostrate vinosum, & gracum ex Aenaria dulce similiter mentem magis mouere, quam Asperinum vocatum, vel idem Albanum, & alia multa vinosa quidem, sed dicto graco longe viribus inferiora; sed & à Galeno proditum est, alba vina nulla esse dulcia, & rursus crassa nulla esse dulcia, quæ non etiam nigra existant, de quibus sententijs non iniuria dubitatur. Sed aliud ea res ocium desiderat. In febribus igitur, ubi tuto licet vinum offerre, Albanum quidem nostrate, quod fieri etiam solet, exhibuerim, Aminaum vero, hoc est Gracum, nequaquam.

F I N I S.

Errata, etsi leuia, sic tamen, amice lector, emendato.

Pag. 4. linea 3. de nemine, lege de nomine. 7. 6. in omni, in omni. 12. 22. in acuijs; in acutis. 14. 10. si sanguinis, si sanguis. 18. 26. sanguine, sanguinis. 21. 15. putridis, putridis. 24. 15. paulo, paulo. ibid. 17. rosiores, rosiones. 26. 16. duplicari, duplicari. 30. 6. occureret, occurreret. 43. 21. vñ quivis, vñ quivis.



REGESTVM

¶ A B C D E F.

Omnes sunt duerniones præter ¶ quod est dimidium



ROMAE, Apud Aloysium Zannettum. MDCI.

SUPERIORVM PERMISSV.